

आकाशवाणी

खास-खास खबरां

- प्रधानमंत्री नरेन्द्र मोदी फ्रांस ते स्लोवाकिया दे 6एं दिनें दे दौरे पर रवाना। उ'नें आखेआ जे उ'दे दौरे दरान फ्रांस कन्नै आर्थिक ते सांस्कृतिक सरबन्धें गी मजबूत बनाने ते स्लोवाकिया कन्नै तगड़े दपक्खी रिश्ते दे निर्माण बक्खी चेचा ध्यान दित्ता जाहगा।
- प्रधानमंत्री नरेन्द्र मोदी फ्रांस दे इवियान च जी-7 शिखर सम्मेलन च बी हिस्सा लैडन।
- गृह मंत्री अमित शाह होरें आबादी मतल्लक बदलावें बारै अज्ज इक बैठक दी प्रधानता कीती।
- भारती वायु सेना दा ए.एन.32 ज्हाज अज्ज असम दे जोरहत आहले वायु सेना स्टेशन पर हादसे दा शिकार होई गेआ। हादसे च 5 कर्मिं दी शहादत पर वायु सेना ने दुक्ख ते बसोस जताया ऐ।
- लेफ्टिनेंट जनरल धीरज सेठ होरें'गी भारत दा नमां सेना प्रमुख नियुक्त कीता गेआ ऐ। उ'दी नियुक्ति 30 जून थमां प्रभावी होग।

<><><><><><>

PM- France Visit

प्रधानमंत्री नरेन्द्र मोदी होर अज्ज फ्रांस ते स्लोवाकिया दे 6 रोजा दौरे पर रवाना होए। प्रधानमंत्री होरें आखेआ जे भारत दे रणनीतिक नजरिए साहबै फ्रांस इक खास थाहर रखदा ऐ। मोदी होरें आखेआ जे दौरे दा मुख ध्यान भारत-फ्रांस बश्काल आर्थिक ते सांस्कृतिक सम्पर्क बढाना ऐ। प्रधानमंत्री मोदी होरें फ्रांस दे नीस च भारती समय मुताबक साढ़े 10 बजे पुज्जगंन। प्रधानमंत्री उन्दी आमद दे पहले- भारती समुदाय दे सदस्ये- उद्योग नेताएं च बड़ा उत्साह ऐ। साड़े संवाददाता ने जानकारी दिती ऐ जे प्रधानमंत्री हुंदे स्वागत आस्तै तैयारियां बड़े जोरें कन्नै कीतियां गेइयां न। तकरीबन 10 ज्हार भारती छात्र फ्रांस च पढा रहे न ते ए आंकड़ा 2030 तोड़ी 30 ज्हार होई जाहगा। आकाशवाणी कन्नै गल्लबात करदे होई फ्रांस च भारती राजदूत श्री संजीव सांगला होरें आखेआ जे प्रधानमंत्री उ'दे दौरे कन्नै दवे देशे दे नागरिकें बश्कार रिश्ते गुठे होगन। प्रधानमंत्री होरें आखेआ ऐ जे स्लोवाकिया दा उन्दा ऐतिहासिक दौरा दवे देशे बश्कार दपक्खी रिश्ते गी तेज रफ्तार देगा। अपने दौरे दौरान प्रधानमंत्री होर स्लोवाकिया दे राष्ट्रपति पीटर पेलेग्रिनी ते प्रधानमंत्री रोबर्ट फाइको उन्दे कन्नै ब्रातिसलावा च मलाटी करगन। स्लोवाकिया दा दौरा पूरे होने मगरा प्रधानमंत्री होर एवियन- फ्रांस जागंन जित्थे ओ जी-7 सम्मेलन च 16 ते 17 जून गी शामिल होगन।

<><><><><><>

Indian Diaspora –Slovakia

स्लोवाकिया च रवा'रदे भारती समुदाय प्रधानमंत्री नरेन्द्र मोदी उन्दा उत्थे बेसब्री कन्नै इतंजार करा'रदा ऐ। स्लोवाक रिपब्लिक च भारती राजदूत अपूर्वा श्रीवास्तव होरें आखेआ ऐ भारत –यूरोपियन यूनियन मुफ्त बपार समझौते दे अंतिम रुप लैने कन्नै भारत स्लोवाकिया बश्कार सहयोग दे बाढ़े आस्तै रस्ते खुल्ली गे न। उ'नें दस्सेया जे दवे देशे बश्कार दपक्खी बपार 1.8 बिलियन अमरीकी डालर टप्पी चुके दा ऐ।

<><><><><><>

PM –Ind Youth

प्रधानमंत्री नरेन्द्र मोदी होरें आखेआ ऐ जे भारती नौजवान बक्ख-बक्ख क्षेत्रें जियां विज्ञान ते तकनीक थमां उत्पादन- अंतरिक्ष- सेमिकंडक्टर ते ड्रोनें तोड़ी अपनी छाप छोड़ा रहे न। इक सोशल मीडिया पोस्ट च मोदी होरें जोड़ेया जे अज्ज भारत दुनिया च स्टार्ट-अपस दे क्षेत्र च प्रमुख थाहर पर पुज्जी गेऐ ऐ ते निक्के कस्बे ते ग्राएं थमां युवा शक्ति ते सफलता दी केई कहानियां रचियां न। उ'नें ए बी आखेआ जे अंतराष्ट्रीय प्रतियोगिताएं च देश दे युवा खडारी देश दा गौरव बढा रहे न।

<><><><><><>

DM-Air Force Academy

रक्षामंत्री राजनाथ सिंह होरें नमें नियुक्त होए दे वायु सेना अधिकारियें गी बदलदे सुरक्षा परिदृश्य च बलदा'रदियां नमियां तकनीकां अपनाने आस्तै आखेआ ऐ- जियां ड्रोन्स- सैटालाइट ते रोबोटिक्स मंत्री होरें दुंदिगल हैदराबाद च एयर फोर्स अकैडमी दी 217में कोर्स दी संयुक्त ग्रैजुएशन परेड दा जायजा बी लैता। अधिकारियें गी सम्बोधित करदे होई सिंह होरें जोर देइयै आखेआ जे आधुनिक रक्षा प्रणाली च बड़े महत्वपूर्ण

बदलाव आए न ते उनें गी बी इंदे साहबे अपने-आप गी लैस रखना चाइदा। रक्षामंत्री होरें नैशनल डिफेंस अकैडमी थमां प्रतिशित महिला कैडेट दे पहले बैच गी बी बल च शामिल किता- जेडे पिच्छले बरे NDA पास करिए शाखा टकोदे प्रशिक्षण आस्तै एयर फोर्स अकैडमी च शामिल होइयां हियां। इस कार्यक्रम च SU-30 MKI सारंग हैलिकाप्टर टीम ते सूर्य किरण तरफा हवाई करतब दस्स गे। बक्ख-बक्ख शाखाएं दे वरिष्ठ अधिकारियें इस समारोह च शिरकत कीती।

<><><><><><>

Beti Bachao –Beti Padhao

सरकार दी महत्वै आहली पैहलदकमी “बेटी बचाओ-बेटी पढ़ाओ” मुख्य भरै च कुड़ियें गी सशक्त करने आहला इक राष्ट्रव्यापी आंदोलन दे तौर पर उभरिये सामने आया ऐ। सेहत प्रबंधन सूचना सरिस्ते दे आकंडे मुजब राष्ट्रीय जन्म लिंग अनुपात 2014-15 दे 918 थमां- 2024-25 दे 929 तक बहेतर होआ ऐ- जेहदे नै एह बांदै होंदा ऐ जे जन्म शा पैहले लिंग आधारित जांच पर रोक लग्गी ऐ ते संस्थागत ज़िम्मागी बधी ऐ।

<><><><><><>

HM Demographic Change

गृह मंत्री अमित शाह होरें आबादी मतल्लक बदलाव बारै अज्ज इक बैठक दी प्रधानता करदे होई आयोग गी निर्देश दित्ता जे ओहू बन्ने आहले जिलें च आबादी मतल्लक बदलावें दा अध्ययन करना। बैठक दरान शाह होरें आयोग गी इब्बी निर्देश दित्ता जे ओहू बन्ने आहले इलाकें, मेट्रो शैहें ते औद्योगिक कस्बें दा दौरा लाइयै इनें बदलावें दा आंकलन करना। एहदे शा पैहले पिच्छले म्हीने, केन्द्र सरकारै गैर-कनूनी तौर पर मुख्य च दाखल होने आहले लोकें करी पैदा होआ करदे आबादी मतल्लक बदलावें दा पता लाने गितै इक उच्ची सतह दी कमेटी खडेरी ही। इस कमेटी पर, इनें बदलावें कन्नै निब्वडने सरबन्धी हीलें बारै सुझास देने दा जिम्मा ऐ।

<><><><><><>

IAF Plaine Accident

भारती हवाई सेना दा AN-32 Transport Aircraft अज्ज बडुलै असम दे जोरहाट हवाई सेना अड्डे च हादसे दा शिकार होई गया। भारती हवाई सेना ने 5 कर्मियें दे जानी नुक्सान पर दुख जाहिर कीता ऐ। इक सोशल मीडिया पोस्ट च हवाई सेना ने जानकारी दिती ऐ जे स्काड्रोन लीडर प्रशांत सिंह- फ्लाइट ल्यूटिनेंट शुभम कुमार-सरजिएल दानिश आलम होरें इस हादसे च जान मुआई दिती ऐ। शहीदें दे परिवार कन्नै भारती वायु सेना ने सांत्वना प्रकट कीती ऐ। सेना ने दस्सेआ जे क्रैश आली थाहरै दा प्रबंधन ते शुरुआती जांच इस बेल्ले चला रदी ऐ ते सारें गी अपील कीती जंदी ऐ जे शुरुआती जांच दे नतीजें आने दा पैहले कुसा बी निष्कर्ष तोड़ी पुज्जने थमां बचन।

<><><><><><>

New Army Officers

भारती सेना ने अज्ज देहरादून उत्तराखंड दी Indian Military Academy च 158मीं पासिंग आउट परेड च 481 नमें नोजोआन अधिकारिएं दा स्वागत कीता। राष्ट्रपति द्रोपदी मुरमू होरें परेड दा निरिक्षण कीता। कडे अनुशासन-समर्पण ते सैन्य जज़बें दा परिचय दिंदे होई- नोजोआन अफसरें मार्च पास किता। इस मौके राष्ट्रपति होरें आखेआ जे भारती सैन्य अकादमी देश दे सम्मान- बहादुरी ते सेवा दा प्रतीक ऐ। महिला कैडेटें दे सेवा च शामिल होने गी उनें अकादमी दे साहित्य च महत्वपूर्ण उपलब्धि आक्खेया। उनें जोडेआ जे देश च महिलाएं दे विकास दी बक्खी ऐ प्रेरणादायक कदम ऐ। राष्ट्रपति होरे अधिकारियें गी पूरी उमर सिक्खदे रौहने- दलेरी कन्नै फैसले लैने ते बदलदी सुरक्षा चुनौतियें दा सामना करदे होई नैतिक नैतृतव दा परिचय देने आस्तै आखेआ। इस कार्यक्रम च प्रशिक्षण दौरान हर बक्खी उत्कृष्टता आस्तै प्रतिष्ठित Sword of Honour कन्नै कैडेट अधिकारी विशाल कुमार होरें गी सम्मानित कीता गेआ। विशाल कुमार होरें मेरिट च बी पैहली थाहर हासल कीती ते सुन्ने दा तगमा हासल किता। प्रिंसराज होर दुई थाहर पर ते तेजस भट्ट होर त्री थाहर पर रेह।

<><><><><><>

Ind.- Protest US

भारत ने खाड़ी च तेल दे जहाज पर अमरीकी नौसेना बक्खिया किते गेदे हमले गी लेइयै अमरीका खिलाफ सख्त विरोध दर्ज कीता ऐ। इस हमले च 3 भारती नाविकें दी मौत होई गई ऐ। विदेश मंत्री डाक्टर एस. जयशंकर होरें अमरीकी राज्य सचिव मारको रुबियो हुंदे कन्नै गल्लबात कीती ते आखेआ जे औद्योगिक जहाजें खिलाफ ऐसे हमले सेही नई हैन। ओमान दे कंडे पलाऊ टैंकर MT Settle Bello पर अमरीकी हमले च 3 भारतीएं दी मौत होने दे बाद भारत ने अपनी प्रतिक्रिया दिती।

<><><><><><>

EAM Fake News

विदेशी मामलें सरबंधी मंत्रालय ने आखेआ ऐ जे जहाज लियाकी फ्रिडम च भारती नाविकें दी मौत दी खबर झूठी ऐ। मंत्रालय ने आखेआ जे जहाज दे मालिक ने गल्लबात दौरान दस्सेआ जे सारे नाविक सुरक्षित न। विदेशी मामले सरबंधी मंत्रालय दी Fast Check ईकाई नै लोकें गी अपील कीती ऐ जे ओ सोशल मीडिया पर ऐसे झूठे ते निराधार दावे थमां सचेत रौहना।

<><><><><><>

ED Serches

प्रवर्तन निदेशालय नै अज्ज कोलकाता च 7 परिसरें ते आले-दोआले दे इलाके च तपाशी अभियान चलाया। ए तपाशी पश्चिमी बंगाल च कथित तौर पर म्यूनिसिपेल्टी नियुक्तियें च धांधली दे सरबन्ध च कीती गई। TMC विधायक ते साबका मंत्री मदन मित्र उन्दे कन्नै सरबन्धत थाहरें दी तलाशी लैती गई। निदेशालय मुताबक अजें तोड़ी होई दी जांच च ए सामने आया ऐ ते Municipalities च बक्ख-बक्ख पदें पर नियुक्तियें आस्तै मदन मित्र ते बिचोलिए जरिए पैसा ते सुना- रिश्त दे तौरा पर लैता दा ऐ। प्रवर्तन निदेशालय ने आखेआ ऐ जे मदन मित्र दा नां 125 अवैध नियुक्तिएं कन्नै जुड़े दा ऐ।

<><><><><><>

New CAOS

सरकार नै ल्यूटिनेंट जनरल धीरज सेठ होरें गी फौजी अमले दा अगला प्रमुख नियुक्त कीता ऐ। उन्दी सेवा 30 जून दपैहरी शुरु होगन। इस बेल्ले धीरज सेठ होरें फौजी अमले दे उप-प्रमुख दे तौर पर कम्म करा रदे न। फौजी अमले दे मौजूदा प्रमुख उपेन्द्र द्विवेदी होर 30 जून गी सेवानिवृत्त होआ रदे न। रक्षा मंत्रालय नै इक ब्यान च आखेआ ऐ जे ल्यूटिनेंट जनरल धीरज सेठ होर नैशनल डिफेंस अकैडमी खड़कवास्ला दे पूर्व विद्यार्थी न ते दिसम्बर 1986 च Armoured कोर च सेवा च शामिल होए हे।

<><><><><><>

NITI Aayog –Germany

नीति आयोग दे जर्मनी दे प्रतिनिधिमंडल बश्कार नमीं दिल्ली च भारत –जर्मनी विकास सहयोग गी तगड़ा करने लेई मीटिंग लग्गी। मीटिंग च स्वच्छ ऊर्जा-पर्यावरण संरक्षण- सतत विकास-राई बाई सुधार- जल प्रबंधन ते हरित अर्थव्यवस्था च लौहके ते मध्यम उद्योगें दी हिस्सेदारी जनेह मुद्दे पर चर्चा कीती गई। दौनें पक्खें जलवायु बदलाव दे नबेड़े ते सत्त विकास लेई आपसी सहयोग बधाने पर बी जोर दिता।

<><><><><><>

Weather

मौसम विभाग ने अज्ज जम्मू-कश्मीर दे मते सारे हिस्सें च हौली थमां दरम्यानें दर्जे दी बरखा बरने- गरज चमक ते अंधी-झक्खड़ झुलने दी पेशनगोई कीती ऐ। प्रदेश दिएं किश थाहरें पर ऐन-गड़ा पौने दे बी असार न। विभाग नै तेज बरखा करी चानचक्क हाड़ औने ते ल्हास-पस्सियां पौने दी शेंका बी जाहर कीती ऐ। प्रदेश च औंदी 17 तरीक धोड़ी मौसम बदलोखड़ा बने दे रौहने ते कैई थाहरें पर हौली बरखा- गरज-चमक ते तेज ब्हां चलने दा अंदाजा बी जताया गेआ ऐ।

<><><><><><>

IMD Weather

भारती मौसम विभाग नै अज्ज असम ते मेघालय च भारी थमां बड़ी भारी बरखा पौने दी पेशनगोई कीती ऐ। मौसम विभाग नै बिहार- केरलम- उप हिमालयाई- पच्छिम बंगाल ते सिक्किम च बी भारी बरखा बरने दी संभावना दस्सी ऐ।

<><><><><><>

Intruder Apprehended

फौज दी चिनार Warriors ते जम्मू-कश्मीर पुलस ने इक खूफिया जानकारी दी बिनाह पर घाटी दे कुपवाड़ा जिले च सिमरी ग्रांS दे नेड़े इक पाकिस्तानी बसनीक गी हिरासत च लैता ऐ। एह पाकिस्तानी बसनीक शूबे आले हालात च कब्जा रेखा पार करियै इस बक्खी आई गोआ हा। फौरी कार्रवाई करदे होई Chinara Warriors ते जम्मू-कश्मीर पुलसा दी सांझी टीमै- इस पाकिस्तानी बसनीक दा पता लाइयै उसी हिरासत च लेई लैता। इस घुसपैठियें शा पुच्छ-गिच्छ कीती जा'रदी ऐ। ध्यानजोग ऐ जे पिच्छले कोई 15एं दिनें दे दरान कश्मीर च कब्जा रेखा दे नेड़े हिरासत च लैता गेदा एह इस किस्मै दा दुआ घुसपैठिया ऐ।

<><><><><><>

LG-KPs

लैफ्टिनेंट गवर्नर मनोज सिन्हा होरें आखेआ ऐ जे हुन समां आई गेदा ऐ जिसले कश्मीरी पंडतें गी परतियै अपनी जड़ें कन्नै जुडियै इक नमैं ते बदलेदे जम्मू-कश्मीर दे भविक्ख लेई जोगदान देना लोडचदा ऐ। एल.जी होरें अज्ज आखेआ जे बेघर होनें थमां लेइयै आलमी सतह पर कामयाबी हासल करने दी कश्मीरी पंडत समुदाय दी जात्तरा दलेरी- सबर ते पक्के निश्चे दी शानदार मिसाल ऐ। श्रीनगर दे SKICC च Global Kashmiri Pandit Conclave गी सम्बोधित करदे होई सिन्हा होरें आखेआ जे एह आयोजन इक ऐतिहासिक पल ऐ जेहड़ा कश्मीरी पंडत समुदाय दिएं उपलब्धिएं ते अपनी जद्दी थाहर कन्नै उन्दे मज़बूत रिश्ते गी दर्शादा ऐ। 1990 दे दहाके दरान कश्मीरी पंडतें दे विस्थापन दा जिक्र करदे होई एल.जी होरें आखेआ जे इस समुदाय ने बेघर होने दी बड़ी बड़ी तकलीफ झल्ली पर कदें बी किस्मत दे अगगे हार नेंई मन्नी।

<><><><><><>

Yatri Suvidha Diwas

जम्मू ब्हाई अड्डे च औंदी 15 जून गी “जात्तरी सुविधा दिवस” मनाने दिआं तैयारियां जोरें-शोरें चला'रदियां ना। इस मौके पर ऐसी केंई पैहलकदमियें दा सरिस्ता कीता जाहग- जिंदे नै जात्तरिएं दी सुविधा बधाने- लोकें गी जागरुक बनाने ते होरनें बी केंई सुविधाएं गी तगड़ा बनाने च मदाद थ्होग। जम्मू ब्हाई अड्डे दे डरैक्टर देवेन्द्र यादव होरें आखेआ ऐ जे औंदी श्री अमरनाथ जात्तरा दे महेनज़र खास बंदोबस्त कीते गेदे न- तां'जे श्रद्धालुएं गी बेहतरीन अनुभव हासल होए। उ'नें आखेआ जे श्रद्धालुएं दी सुविधा लेई समर्पित हैल्प डेस्क- सूचना काउंटर- बाद्दू अमले ते जात्तरी प्रबंधन प्रणालियें दा बंदोबस्त बी जकीनी बनाया गेदा ऐ।

<><><><><><>